

ԹԱԼԱՒ ԻՔՆ ՌՈՒԶԶԻՔ ԱԼ-ԱՐՄԱՆԻՆ /1154-1161թթ./
ՖԱԹԻՄՅԱՆ ՈԱԶՄԱՔԱՂԱՔԱԿԱՆ ԵՎ ՄՇԱԿՈՒԹԱՅԻՆ
ԳՈՐԾԻՉ

Բաղր Ալ-Գամալիի վազիր նշանակմամբ Եգիպտոսում սկսվեց Ֆաթիմյան վազիրների «հայկական շրջանը» /1074-1162թթ./: Իրար հաջորդած հայազգի վազիրների ռազմական և քաղաքական բեղուն գործունեությունն իր ազդեցությունն ունեցավ եգիպտահայ գաղութի զարգացման և բարգավաճման գործում:

Ֆաթիմյանները, որոնք հարում էին իսմայիլական հոսանքին, 909թ. իրենց պետությունը հիմնեցին Զյուսիսային Աֆրիկայում /այժմյան Թունիսում¹/: Այս տերության հիմնադիր Ուբայդալլահն իրեն հայտարարել էր իսմայիլից սերած իմամ, և քանի որ վերջինս սերում էր Սուհամմեդ մարգարեի դուստր Ֆաթիմայից /Ալիի կինը/, ուստի իրենց կոչեցին Ֆաթիմյաններ²: Նրանք 969թ. նվաճեցին Եգիպտոսը, ուր հաստատվեցին՝ հիմնելով Կահիրե մայրաքաղաքը³:

Եգիպտացի պատմաբան Սուհամմեդ Գամդի Սինավին նշում է, որ սկսած Ազիզ խալիֆայից, երբ վազիրության պաշտոնը հստակորեն ձևավորվեց, մինչև Ֆաթիմյանների իշխանության անկումը /978-1171թթ./ Եգիպտոսում պաշտոնավարել են 65 վազիրներ, որոնցից 55-ը մուսուլման և 10-ը՝ զինմի⁴: Իսլամադավաններից միայն 29-ը իսմայիլական էր, 6-ը՝ իմամական /չափավոր շիա/, որոնց էին նաև հայ վազիրներ Բաղր Ալ-Գամալին, Աֆդալը, Աիմադը, Թալաի իբն Ռուզգիբն ու Նրա որդի Ռուզգիբը/ և 8-ը՝ սուննի, իսկ մնացածներինը՝ հայտնի չէ: 10 զինմիներից 7-ը քրիստոնյա էր, 3-ը՝ հրեա⁵:

Ֆաթիմյանների նման վերաբերմունքն այլակրոնների նկատմամբ և մանավանդ այլադավան վազիրների պաշտոնավարումը միշտ էլ հետաքրքրական երևույթ է համարվել միջնադարի պատմության համատեքստում: Մի կողմից ունենալով խիստ խայտաբղետ կրոնական և ազգային կազմ, իսկ մյուս կողմից լինելով ամենասերտ առևտրական բազմակողմանի հարաբերությունների մեջ⁶ Միջերկրական ավազանի /Արաբական Իսպանիա, Ֆրանսիա, իտալական քաղաքներ, Բյուզանդիա, Խաչակրաց իշխանություններ, Կիլիկիա և այլն/ և այլ պետությունների /Միջագետք, Իրան, Զայաստան/ հետ, Ֆաթիմյան տերությունն անխուսափելիորեն պետք է ճկուն քաղաքականություն վարեր՝ օգտագործելով բոլոր միջոցներն այդ համաշխարհային առևտրից առավելագույն չափով օգտվելու համար: Եգիպտացի պատմաբան Մ. Սինավին հետևյալ կերպ է բացատրում վերոնշյալ երևույթը. «Անկասկած Ֆաթիմյանների իշխանության ներքո ընդհանրապես, ոչ իսլամադավանները, լինեն քրիստոնյա, թե հրեա, լավ վերաբերմունքի են արժանացել: Պետության բարձր պաշտոններն

իրոք տրվում էին նրանց, ովքեր անհրաժեշտ ընդունակություններ ունեին՝ առանց նկատի ունենալու կրոնական համոզմունքը: Եվ քանի որ դրամական հասույթները պետության համար կարևոր էին, խալիֆաները նախընտրեցին իրենց վազիրներին ընտրել դրամական գործերի մեջ հմուտ մարդկանց, և նրանց մեջ շատ էին զինմիները, որոնց մի մասը նախքան վազիրի պաշտոնն ստանձնելն իսլամացվել էին, իսկ մյուս մասը մնացել էր իր կրոնին: Եվ թեպետ օրենսդիրները /իրավագետները/ թույլատրելի էին համարում, որ զինմիները կարող էին լինել գործադիր իշխանության վազիրներ⁷, բայց ոչ՝ լիազորվազիրներ, այդուհանդերձ Ֆաթիմյանները նույնիսկ սրանով էլ չսահմանափակվեցին և իրենց համար վերցրեցին քրիստոնյա լիազոր-վազիրներ⁸:

Բայդր Ալ-Գամալիի վազիրության շրջանից ութսուն տարի հետո Ռշտունյաց աշխարհից ևս մեկ հայ, որն աչքի էր ընկել իր վարչարարական և ռազմական կարողություններով, ինչպես նաև իր բանաստեղծական տաղանդով՝ Մինիեի նահանգապետ Թալաի իբն Ռուզգիբ Ալ-Արմանին, 1154թ. Աբ-Ֆայեզ խալիֆայի կողմից նշանակվեց վազիրի պաշտոնում:

Միջնադարյան աղբյուրներից հայտնի է, որ Ռուզգիբի պապն իր ընտանիքով Հայաստանից հաստատվեց Եգիպտոսում. Թալաին Ֆաթիմյան խալիֆայի պալատում ստացավ կրթություն և զինվորական պատրաստություն անցավ: Այնուհետև որոշ ժամանակ զբաղեցրեց Վերին Եգիպտոսի Մինիե նահանգի նահանգապետի պաշտոնը՝ հող նախապատրաստելով իր վազիրության համար: Սակայն 15-րդ դարի արաբ պատմիչ Մաքրիզին գրում է, որ Թալաի բին Ռուզգիբը Եգիպտոս եկավ Իրաքից և Եգիպտոսում զբաղեցրեց մի շարք բարձրաստիճան պաշտոններ՝ այդ թվում նաև վազիրի պաշտոնը⁹:

Նրա նահանգապետության շրջանում Եգիպտոսի վազիրն էր Աբբասը, որի որդի Նասրը սերտ անձնական հարաբերություններ ուներ երկրի խալիֆայի հետ: Մի անգամ, երբ Ջաֆիր խալիֆան գաղտնի կերպով գտնվում էր Նասրի պալատում, երկրում լուրեր տարածվեցին նրանց կապի մասին: Այդ ամոթալի տեղեկությունները թաքցնելու նպատակով՝ Նասրը սպանեց խալիֆային և նրան թաղեց իր պալատի բակում: Հաջորդ առափոխյան, սպանության մեղադրանքն իր գավալից հեռացնելու նպատակով, Աբբասը սպանել տվեց խալիֆայի ապստամբած եղբայրներին և համախոհներին: Այնուհետև նա խալիֆա հռչակեց Ջաֆիրի անչափահաս որդուն՝ Ալ-Ֆայեզին և բռնություններ իրականացրեց խալիֆայի ընտանիքի նկատմամբ¹⁰:

Երկրում կրկին ուժեղացավ ներքին պայքարը, որն ուղեկցվում էր արտաքին ուժգնացող սպառնալիքներով: Խաչակիրներն արդեն հայտնվել էին Եգիպտոսի սահմանների մոտ: Ստեղծված պայմաններում պալատական կանայք, որոնք տեղյակ էին զարգացումներից, օգնություն խնդրեցին իբն Ռուզգիբից և իրենց նամակի հետ ծրարի մեջ դրեցին նաև իրենց վարսերից մի փունջ¹¹: Անսպելով իշխանուհիների խնդրանքին՝ Ռազգիբը հավաքեց իր

գինվորներին և շարժվեց դեպի Կահիրե: Աբբասն իր ընտանիքով փախավ դեպի Սիրիա, իսկ իբն Ռուզբիքը 1154թ. ստանձնեց վագիրի պաշտոնը¹²:

Վերջինս ուներ քաջ և վճռական ղեկավարի համբավ: Նա /Ռուզբիքին անվանում էին նաև Ալ-Սալիբ Ալ-Սալիի/ նաև ուժի կիրառմամբ նախ վերականգնեց երկրի ներքին խաղաղությունը, ապա վերահաստատեց քրիստոնյա փոքրամասնությունների իրավունքները: Նրա քաջալերանքով հայ առևտրականներն ու արհեստավորները դարձյալ իրենց ակտիվ մասնակցությունն ունեցան երկրի արտաքին առևտրի ավելացման ու արհեստների զարգացման գործում: Իսկ հայ գինվորականներն ու քաղաքական գործիչները բարձր պաշտոններ ստացան բանակում և պալատում: Ռուզբիքն իր հակառակորդների դիրքերը թուլացնելու և սեփական դիրքերն ամրապնդելու նպատակով, պաշտոնների նշանակեց իր երկու որդիներին, եղբորը, եղբորորդուն, քրոջորդուն և փեսային¹³: Նա արտաքին ճակատում անխնա պայքար ծավալեց խաչակիրների դեմ, սակայն վճռական հաղթանակներ չկարողացավ տանել¹⁴:

Թալաի բին Ռուզբիքը մոտավորապես յոթ տարի վարեց վագիրի պաշտոնը և երկիրը կառավարեց խաղաղությամբ: Նա գրեթե միանձնյա ղեկավարում էր եգիպտոսը, քանի որ իր վագիրության շրջանում միմյանց հաջորդած Ֆայեզ և Ադիդ խալիֆաներն անչափահաս էին և հեղինակություն չունեին¹⁵:

Երբ 1160թ. երիտասարդ տարիքում մահացավ Ալ-Ֆայեզ խալիֆան, Թալաի իբն Ռուզբիքը նրա իննամյա զարմիկին՝ Ալ-Սոդիդին /1160-1171թթ./, որը Ֆաթիմյան հարստության վերջին գահակալն էր, հռչակեց խալիֆա և իր աղջկան կնության տվեց նրան, որով և ամրապնդեց իր դիրքերը: Սակայն արդեն հաջորդ տարի հայագզի վագիրը սպանվեց: Իր խստաբարո բնավորության պատճառով նա չկարողացավ շահել պալատականների հարգանքը: Նույնիսկ հակասություններ առաջացան նրա և իր փեսայի միջև: Նրա ճնշող ազդեցությունից ազատվելու նպատակով՝ Ադիդ խալիֆան դավադրություն կազմակերպեց Ռուզբիքի դեմ, որի արդյունքում էլ վերջինս սպանվեց 1161թ.¹⁶:

Իր սպանությանը նախորդած գիշերն իմամական ծիսակարգի համաձայն Ռուզբիքը լվացվեց, ապա աղոթեց՝ 120 անգամ ծնկի գալով: Հետո նա, դուրս եկավ ծի հեծնելու, բայց ոտքը սահեց և գլխի վրա գետնին ընկավ: Նույն գիշերը նա դաժան ծեծի ենթարկվեց, որից հետո այդպես էլ ոտքի չկանգնեց ու մահացավ¹⁷:

Թալաի իբն Ռուզբիքն այն բացառիկ վագիրներից էր, որ զգալի տեղ էր հատկացնում երկրի կրթական և մշակութային կյանքին: Նրա նախաձեռնությամբ համալրվեց խալիֆայի պալատում գտնվող 40 սենյակ զբաղեցնող և 100 000 կտոր գրականություն պարունակող գրադարանը, 1005թ. հիմնված «Գիտելիքների տունը» /«Դար ալ-ուլում»/ վերածվեց ուսումնական հաստատության, քաջալերվեց նաև գիտական աշխատանքը¹⁸: Արաբ պատմաբանների վկայությամբ «Գիտելիքների տունը» իսլամական աշխարհի մեծագույն գրադա-

րաններից էր: Ֆաթիմյան հարստության անկումից հետո գրքերի վերոնշյալ բացառիկ հավաքածուն աճուրդի հանվեց. մի մասը կողոպտվեց, իսկ մի մասն էլ ցրվեց եղավ¹⁹:

Թալաի իբն Ռուզբիքը նպաստեց նաև շինարարական արվեստի զարգացմանը՝ հատկապես Բադր Ալ-Գամալիի նախածնունդ մզկիթ-դամբարանների /մաշհար/ կառուցման գործում: Նրա հետ է կապված Բաբ Զուայլայի հարավում 1160թ. կառուցված Սալիհ Թալաի մզկիթ-դամբարանի կառուցումը՝ իր տեսակի մեջ եզակի մի կառույց, որն իր մնայուն տեղն ունի Եգիպտոսի իսլամական ճարտարապետության մեջ²⁰: Այս մզկիթի կամարածն ճակատն իր պայտածն ներքնամասերի սրածայր զագաթով, կամարների նուրբ շարվածքով՝ տաշած քարերի հմուտ համադրություն է, որն իբն Թուլուն հայ շինարար վարպետի ձեռքի գործն էր: Հայ վարպետների այս աշխատանքն անմիջականորեն կրում էր հայկական եկեղեցական շինարարության ազդեցությունը²¹: Հայկական շինարարության այս ոճն ի վերջո Ֆաթիմյան ճարտարապետության մաս կազմեց:

Արվեստասեր վագիրի անվան հետ է կապված նաև Գուշի մզկիթի բարձրադիր բեմի /մինբար/ կառուցումը, որն արվեստի տեսաբանների կարծիքով «տասներկուերորդ դարի կեսերի ամենանուրբ և շքեղ փայտի վրա փորագրված աշխատանքներից մեկն է»²²: Նշենք, որ հայ վարպետները, որոնք փորագրություններ էին անում փայտի և քարի վրա, մեծ համբավ ունեին Եգիպտոսում: Գուշի մինբարը ևս հայ վարպետների ձեռքի աշխատանքն էր:

Իբն Ռուզբիքը հատուկ հարգանք էր տալիս մտավորականների հանդեպ: Նա իր պալատում ստեղծել էր գիտական մի կաճառ, որտեղ երեկոյան հավաքվում էին ականառու մտավորականներ, պալատական, պետական և մշակութային գործիչներ՝ գրական, կրոնական և գաղափարական տարբեր խնդիրներ քննարկելու նպատակով²³: 13-րդ դարի պատմիչ Իբն խալլիբանը գրում է. «Թալաի Ռուզբիքը մեծ արժանիքների տեր անձնավորություն էր՝ առատածն, դյուրահաղորդ, գիտնականների նկատմամբ մեծ հարգանք տալով, ինչպես նաև ընտիր բանաստեղծություններ էր գրում»²⁴:

Նա թանկարժեք նվերներ էր մատուցում հատկապես բանաստեղծներին, որոնք տարբեր շրջաններից գալիս էին վագիրին ձոներ նվիրելու նպատակով: Ռուզբիքն ինքն էլ օժտված էր բանաստեղծական տաղանդով: Նրա գրչին է պատկանում բանաստեղծությունների երկհատոր «Դիվանը»: Այս երկհատորյակի մասին տեղեկություններ չկան նաև Զիրջի բեյ Զեյդանի «Արաբական գրականության պատմություն» աշխատանքում: Բարեբախտաբար իբն Ռուզբիքի բանաստեղծություններից հատվածներ արտագրել է Իբն խալլիբանն իր «Վեֆայաթ ալ-աայան» /«Անհետացած երևելիներ»/ պատմագրքում: Նա նաև մոլեռանդ իմամական էր: Նրա գրչին է պատկանում նաև «Համառներին պատասխանելու հենարան» կրոնական գիրքը, որի շուրջ նա

քննարկումներ կազմակերպեց իսլամական տեսաբանների հետ²⁵։ Այս գիրքը պարունակում էր գրույցներ Ալի իբն Աբու Տալիբի իմամության և դրա մասին գրի առնված մարգարեական ավանդությունների վերաբերյալ։

Արաբ պատմիչ Մաքրիզին հետևյալ տեղեկություններն է հաղորդում իբն Ռուզբիհի վերաբերյալ։ «Առաքինի թագավոր, իսլամադավանների ասպետ և կրոնի պաշտպան իբն Ռուզբիհն իր գործունեության սկզբնական շրջանում մի խումբ հավատացյալների հետ այցելեց Իրաքի Նաջաֆ սրբավայր՝ Ալի իբն Աբու Տալիբի դամբարան։ Նա դավանում էր իմամականություն։ Այդ ընթացքում Ալիի դամբարանի իմամն էր Ալ-Սաիդ իբն Մասսումը։ Վերջինիս այդ գիշեր երազում հայտնված Ալին տեղեկացրեց, որ այցելուների մեջ էր ոմն իբն Ռուզբիհը։ Նա պետք է անմիջապես մեկներ Եգիպտոս, քանի որ այնտեղ նրան մեծ գործեր էին սպասվում՝ այդ թվում նաև երկրի վարչապետությունը։ Իբն Մասսումը պատմեց իբն Ռուզբիհին իր երազի մասին։ Վերջինս անմիջապես վերադարձավ Եգիպտոս, որտեղ զբաղեցրեց մի շարք պաշտոններ։ Ավելի ուշ նրան վագիրության խիլա /վագիրի թիկնոց/ տրվեց և հետևյալ տիտղոսներ՝ առաքինի թագավոր, մուսուլմանների ասպետ և կրոնի պաշտպան»²⁶։

Մաքրիզին հետևյալ տեղեկություններն է հաղորդում Ռուզբիհի Կահիրե հաղթական մուտքի վերաբերյալ։ «Նա /Թալաի իբն Ռուզբիհը-Ա.Ա./ իր զորքով մտավ Կահիրե։ Աբբասը, Օսաման և Նասրը փախան։ Սև հագուստներով, ամբողջովին սև դրոշակները պարզած, որոնց վրա ամրացված էին կանանց մազափնջերը, Թալաի իբն Ռուզբիհը հաղթական մտավ Կահիրե։ Այս դեպքերից 15 տարի անց, երբ մահացավ Ադիդ խալիֆան և Սալլահ Ադ-Ռինը դարձավ Եգիպտոսի բացարձակ տիրակալը, Աբբասյանների սև դրոշակը Բաղդադից մտավ Կահիրե։

Իբրև առաջին քայլ՝ նա ոտքով քայլեց դեպի Նասրի պալատը։ Նա այնտեղից դուրս քերեց Չաֆիրի և նրա ծառայի դիակները և կազմակերպեց նրանց հուղարկավորությունը, որի ընթացքում աղոթք կարդաց նրա որդին՝ Ֆայեզը։ Չաֆիրը թաղվեց խալիֆայի պալատի դամբարանում»²⁷։

Իբն Ռուզբիհին պատկանող ապարանքների, կառուցած մզկիթների և նրա անունը կրող փողոցների և թաղերի մասին Մաքրիզին իր «Խիտատ» աշխատանքում հետևյալ տեղեկություններն է հաղորդում. «Դար ալ-սալահ պալատում, որ գտնվում էր բանտի մոտակայքում՝ Պալամ թաղամասում, մինչև վագիրի պաշտոնը ստանձնելն ապրում էր Թալաի բին Ռուզբիհը։ Պալատը նա կառուցեց 1152-1153թթ.²⁸։ Բելբեյսի աղյուսե ամրությունները ևս կառուցել է Ալ-Մելիք Աս-Սալիի Թալաի բին Ռուզբիհը 1159-1160թթ.²⁹։ Նրա անունով էր կոչվում Գարաթ ալ-սալիհիե թաղամասը, որը կազմված էր երկու՝ մեծ և փոքր թաղերից։ Նրանք գտնվում էին Գուսեյնի դամբարանի, Այդամուրի հրապարակի և Բարգիեի միջև։ Այն իր ժամանակի մեծ թաղերից մեկն էր³⁰։ Ռուզբիհի պալատի մոտակայքում էր գտնվում Խավխեսթ ալ-սալիհիե /Սալիհի դռնակը կամ անց-

քը/։ Սկզբնական փուլում այս դոնակը կոչվում էր Բոհթիքինի դոնակ, սակայն ավելի ուշ այն անվանվեց Ռուզգիքի անունով, քանի որ գտնվում էր այն պալատի մոտ, որտեղ մինչև Ջաֆիրի վազիր դառնալը բնակվում էր Ռուզգիքը³¹։

Իբն Արդ Ալ-Ջահիրը գրում է, որ երբ խաչակիրների հարձակման վտանգն ուժեղացավ, որոշում կայացվեց իմամ Յուսեյնի դամբարանը տեղափոխելու վերաբերյալ։ Իբն Ռուզգիքը կառուցեց մի մզկիթ՝ Յուսեյնին այնտեղ թաղելու նպատակով։ Սակայն, երբ այն արդեն պատրաստ էր, խալիֆան թույլ չտվեց նրան այնտեղ թաղել։ Յրամայվեց նրան թաղել փառավոր պալատներից մեկում և կառուցվեց ներկայումս գոյություն ունեցող դամբարանը, որտեղ էլ և Յուսեյնը թաղվեց։

Պատմում են, որ երբ Սալիհը մահամերձ էր, նա իր մոտ հրավիրեց իր զավակներին և ասաց, որ զղջում է երեք արարքի համար. առաջինը՝ Կահիրեի դոնեի մոտ մզկիթի կառուցումն էր, ինչը դյուրացրեց քաղաքի վրա հարձակումը, երկրորդն այն էր, որ բանակով Բելբեյս հասավ։ Այս ընթացքում մեծաքանակ դրամ ծախսվեց /100 հազար դինար/։ Փախարենը պետք էր արշավել դեպի Սիրիա, ապա գրավել Երուսաղեմը և պարտության մատնել խաչակիրներին»³²։

«Մասջիդ Ալ-Յալաբին մզկիթը կառուցվեց այն վայրում, որտեղ վազիր Աբբասի որդին սպանեց և թաղեց Ջաֆիր խալիֆային։ Երբ Ռազգիքը ստանձնեց վազիրի պաշտոնը, նա Ջաֆիրի մարմինը տեղափոխեց դոլակի դամբարան։ Սպանված վայրում Ռուզգիքի կառուցած մզկիթը Կահիրեի ամենագեղեցիկ մզկիթներից մեկն էր»³³։

«Նա վերանորոգեց Մեծ Գարաֆայի մզկիթը, որի մոտ գտնվում էր նաև Ռուզգիքի կառուցած Մեսջիդ Ալ-Սալիհ մզկիթը։ Այն իր վերնամասում ուներ դիտարաններ»³⁴։

Ֆաթիմյանների պատմության մեջ Մուսթաֆայի խալիֆայի օրոք սկիզբ դրվեց «մեծ վազիրների» ժամանակաշրջանին, որի ընթացքում լայնածավալ կայսրությունը կառավարում էին մեծ մասամբ հայ վազիրները³⁵։ այդ թվում նաև ռազմաքաղաքական և մտավորական գործիչ Թալաի իբն Ռուզգիքը։ Նրանց գործունեությունն ապացույցն է այն վճռական դերի, որը խաղացել են հայերը Մերձավոր և Միջին Արևելքի քաղաքական, տնտեսական ու մշակութային կյանքում։

ԾԱՆՈԹԱԳՐՈՒԹՅՈՒՆՆԵՐ

1. Ֆաթիմյան Եգիպտոսի մասին մանրամասն տես՝ Семенова Л.А. , Из фатимидского Египта, Москва 1974.

2. Իսմայիլականությունը ծայրահեղ շիական ուղղություն է, որը ծնավորվել է Աբբասյան խալիֆայության շրջանում, ութերորդ դարում եւ որի հիմքում ընկած է իմամության և սոցիալական արդարության վրա հիմնված իսլամական պետության ստեղծման գաղափարը։ Իսմայիլականների համոզմամբ՝ իմամությունը պետք է փոխանցվեր իմամ

- Ջաաֆար Աս-Սադիկի որդիներից Իսմայիլին և նրա սերունդներին: Մանրամասն տե՛ս
 И.П.Петрушевский, Ислам в Иране А., 1966.
3. Ph.Hitti, History of the Arabs. London, 1958, pp. 617-620.
4. Չիմնի էին համարվում ոչ իսլամադավանները, որոնք գտնվում էին իսլամի հովանա-
 վորյալների կարգավիճակում:
5. M. N. Minawi, Al-Wizara w al-wizara fi-l-asr al-fatimi, Al-Kahira, 1970, pp. 297-302.
6. И.П.Петрушевский, в кн. История стран зарубежной Азии в средние века, с.
 367-371. M. Canard, Fatimides, Encyclopaedia de l'Islam, Nouv. ed., II, p. 880-881.
7. А. Мец, Мусульманский ренесанс, М., 1966, с. 54.
8. M. N. Minawi, նշվ. աշխ., էջ 38:
9. Գեորգ Մըսըլեան, Ականաւոր հայեր եգիպտոսի մէջ, Գահիրէ, 1947, էջ 87:
10. Արշակ Ալաօյաճյան, Արաբական Միացյալ Հանրապետութեան եգիպտոսի նախանգ
 և հայերը, Գահիրէ, 1960, էջ 33:
11. Իսլամական ավանդույթի համածայն՝ անարդարության դեմ բողոքի և օգնություն
 խնդրելու դեպքում իսլամադավան կանայք իրենց վարսերից դնում էին խնդրագրի ծրարի
 մեջ:
12. Սոնա Ձէթլեան, Հայութեան ներդրումը վաղ միջնադարեան եւ արդի եգիպտոսի
 պատմության մէջ, Կանադա, 2004, էջ 12:
13. Seta B. Dadoyan, The Fatimid Armenians: Cultural and Political Interaction in the Near
 East, Brill, 1997, p. 160.
14. Թալալի Ռուզզիքի բոռնուհին ամուսնացած էր Ալ-Գամալի գերդաստանի երկրորդ
 վազիր Ալ-Աֆդալի հետ: Այդպիսով Ֆաթիմյան խալիֆայության «հայկական շրջանի»
 առաջին և վերջին գերդաստանները միմյանց հետ կապված էին խնամիական կապերով:
15. Սոնա Ձէթլեան, նշվ. աշխ., էջ 12:
16. Նույն տեղում:
17. Իբն Մաքրիզի, Ալ-խիտատ, 15-րդ դար, հ. դ, էջ 81-83: Տե՛ս Գեորգ Մըսըլեան,
 Ականաւոր հայեր եգիպտոսի մէջ, էջ 89-91:
18. Gaston Wiet, Cairo: City of Art and Commerce, translated by Seymour Feiler, University of
 Oklahoma Press, 1964, p. 30-32.
19. Նույն տեղում:
20. K. A. Creswell, The Muslim Architecture of Egypt, Oxford, 1952, Vol. 1, p. 287.
21. Ali Wijdan, The Arab Contribution to Islamic Art (from the Seventh to the Fifteenth Centuries),
 American University of Cairo Press, 1999, p. 96.
22. Irene Beirman, Art and Architecture in the Medieval Period, in The Cambridge History of Egypt,
 Vol. 1, Islamic Egypt 640-1517, ed. Petry Carl F., Cambridge University Press, 1998, p. 365.
23. Oleg Grabar, The Architecture of the Middle Eastern City from Past to Present: The Case of the
 Mosque, in Ira M. Lapidus ed. Middle Eastern Cities, Los Angeles, 1969, pp. 42-43.
24. Իբն Խալիքեան, Անհետացած երեւելիներ /Վէֆայաթ էլ-այայան/, քարոզ. Գ. Մըսըլեան,
 Գահիրէ, 1935, էջ 184:
25. Նույն տեղում:
26. Իբն Մաքրիզի, Ալ-խիտատ, հ. գ. էջ 48, մեջբերումն ըստ Գեորգ Մըսըլեան, Ականաւոր
 հայեր եգիպտոսի մէջ, էջ 92:
27. Նույն տեղում:
28. Նույն տեղում, էջ 92:
29. Նույն տեղում:
30. Նույն տեղում, էջ 93:
31. Իբն Նույն տեղում:
32. Նույն տեղում, էջ 94:
33. Նույն տեղում:
34. Նույն տեղում:
35. Արամ Տեր-Ղևոնդյան, Վահրամ Պաիլավունին Ֆաթիմյան խալիֆայության վազիր,
 Հոդվածների ժողովածու, Երևան, 2003, էջ 541: